



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 422;
fax. +387 33 726 423
e – mail: info@voda.ba

Broj:UP-1/21-3-40-550-10/23

Datum: 27.02.2024. godine

„Agencija za vodno područje rijeke Save“ Sarajevo rješavajući po zahtjevu pravnog lica RMU „Đurđevik“ d.o.o. Đurđevik za donošenje rješenja o vodnoj dozvoli za ispuštanje tehnoloških otpadnih voda i aktivnosti koje mogu imati specifične uticaje na vode prilikom izvođenja radova na prostoru Pogona PK „Višća“, PK „Višća II“ i PK „Potočari“, općina Živinice, na osnovu člana 139. stav (1) tačke 3. i 10. Zakona o vodama („Sl. novine Federacije BiH“, br. 70/06) i člana 200. stav (1) Zakona o upravnom postupku („Sl. novine Federacije BiH“, broj 2/98, 49/99 i 61/22), donosi

RJEŠENJE **o vodnoj dozvoli**

1. Pravnom licu RMU „Đurđevik“ d.o.o. Đurđevik daje se vodna dozvola za ispuštanje tehnoloških otpadnih voda i aktivnosti koje mogu imati specifične uticaje na vode prilikom izvođenja radova na prostoru Pogona PK „Višća“, PK „Višća II“ i PK „Potočari“, općina Živinice.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja i utvrđenog činjeničnog stanja na objektu, dostavljenog detaljnog dinamičkog plana ulaganja urađenog od strane pravnog lica (broj:03-862/24 od 12.02.2024. godine) i pod slijedećim uslovima:
 - 3.1. Da se upotreba i korištenje predmetnih objekata vrši u skladu sa njihovom prirodom i namjenom te u skladu sa uslovima iz ove vodne dozvole.
 - 3.2. Da se u periodu važenja ove vodne dozvole, a u skladu sa detaljnim dinamičkim planom ulaganja, a u skladu sa članom 26. stav (3) Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 26/20,96/20 i 1/24) realizuju aktivnosti na vanjskom uređenju:
 - 3.2.1. Procedura javnih nabavki za odabir izvršioca za uslugu izrade projektne dokumentacije za uklanjanje postojećeg objekta velike Servisno-remontne radionice i izrada projekta od strane odabranog izvršioca, provođenje aktivnosti na terenu za uklanjanje istog, zbrinjavanje materijala i uređenje prostora na okolinski prihvatljiv način. Realizacija aktivnosti se očekuje do kraja mjeseca septembra 2024. godine.
 - 3.2.2. Procedura javnih nabavki za izbor izvršioca za uslugu izrade projektne dokumentacije za izgradnju novog objekta Servisno-remontne radionice, zatim slijedi izrada projekta i revizija istog. Realizacija aktivnosti se očekuje do kraja mjeseca septembra 2024. godine.
 - 3.2.3. Pribavljanje urbanističke saglasnosti, građevinske dozvole, upotrebne za novi objekat Servis-remontne radionice. Realizacija aktivnosti se očekuje do kraja mjeseca oktobra 2024. godine.
 - 3.2.4. Provođenje tenderske procedure, shodno propisima javnih nabavki za izradu: Glavnog projekta sakupljanja, tretmana i ispuštanja otpadnih voda sa industrijskog kruga i klasirnice pogona Višća i Glavnog projekta sakupljanja, tretmana i ispuštanja otpadnih voda iz revira „Potočari“ pogona Višća. Realizacija aktivnosti se očekuje do kraja mjeseca maja 2024. godine.
 - 3.2.5. Izrada projektne dokumentacije i organizacija revizije Glavnog projekta sakupljanja, tretmana i ispuštanja otpadnih voda sa industrijskog kruga i klasirnice pogona Višća i Glavnog

- projekta sakupljanja, tretmana i ispuštanja otpadnih voda iz revira „Potočari” pogona Višća. Realizacija aktivnosti se očekuje do kraja mjeseca oktobra 2024. godine.
- 3.2.6. Tenderska procedura za izbor Izvođača radova na terenu po projektu: Glavni projekat sakupljanja, tretmana i ispuštanja otpadnih voda sa industrijskog kruga i klasirnice pogona Višća. Realizacija aktivnosti se očekuje do kraja mjeseca decembra 2024. godine.
- 3.2.7. Procedura javnih nabavki za odabir Izvođača aktivnosti, radova na terenu po projektu za izgradnju novog objekta servisno-remontne radionice. Realizacija aktivnosti se očekuje do kraja mjeseca decembra 2024. godine.
- 3.2.8. Uvođenje izvođača radova na izgradnji novog objekta servisno-remontne radionice, po odobrenoj projektnoj dokumentaciji. Realizacija aktivnosti se očekuje do kraja mjeseca juna 2025. godine.
- 3.2.9. Pripremni, zemljani, armirano-betonski, montažni i završni radovi po Glavnom projektu sakupljanja, tretmana i ispuštanja otpadnih voda sa industrijskog kruga i klasirnice pogona Višća. Realizacija aktivnosti se očekuje do kraja mjeseca maja 2025. godine.
- 3.2.10. Procedura javnih nabavki u postupku odabira Izvođača radova po Glavnom projektu sakupljanja, tretmana i ispuštanja površinsko-oborinskih voda iz otkopnog revira – Potočari, pogona Višća. Realizacija aktivnosti se očekuje do kraja mjeseca marta 2025. godine.
- 3.2.11. Pripremni, zemljani, armirano-betonski, montažni i završni radovi po Glavnom projektu sakupljanja, tretmana i ispuštanja otpadnih voda iz otkopnog revira „Potočari” pogona Višća. Realizacija aktivnosti se očekuje do kraja mjeseca augusta 2025. godine.
- 3.2.12. Procedura javnih nabavki za odabir projektanta za izradu projekta Rekultivacije završenog otkopa revira „Višća II” uključujuću izradu istog. Realizacija aktivnosti se očekuje do kraja mjeseca maja 2025. godine.
- 3.2.13. Realizacija aktivnosti i radova na terenu po projektu –Rekultivacija završenog otkopa revira „Višća II” pogona Višća. Realizacija aktivnosti se očekuje do kraja mjeseca maja 2026. godine.
- 3.3. Da se objekti čija je svrha odvođenje i prečišćavanje onečišćenih voda redovno održavaju i koriste na način koji će obezbijediti njihovu potpunu ispravnost i funkcionalnost.
- 3.4. Da korisnik predmetnih objekata, za vrijeme trajanja ove dozvole, obezbjeđuje da se tehnološke otpadne vode i oborinske onečišćene vode sa prostora Pogona PK „Višća”, PK „Višća II” i PK „Potočari”, općina Živinice nesmetano sakupljaju i odvede do objekata predviđenih za tretman tehnoloških otpadnih voda i oborinskih onečišćenih voda, a zatim ovako tretirane vode preko monitoring okana ispuštaju u definisani recipijent – rijeku Oskovu i/ili potok Višća.
- 3.5. Da se redovno vrši monitoring prečišćene otpadne vode iz okana za monitoring shodno članu 19. i 20. Uredbe o uslovima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostave Agenciji u skladu sa odredbama iste.
- 3.6. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH”, broj 14/10, 14/13, 26/14, 15/17, 23/17 i 41/20).
- 3.7. Prečišćene otpadne vode, prije ispuštanja u recipijent, moraju ostati u maksimalno dopuštenim granicama definisanim u Prilogu 18. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH”, broj 26/20, 96/20, 1/24), a ukoliko Vlada Tuzlanskog kantona propiše dodatne (strožije) uslove za ispuštanje otpadnih voda u površinske vode, od uslova definisanih u Prilogu 18. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste zadovoljiti.
- 3.8. Korisnik objekta je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
- 3.9. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.10. Sadržaj (mulj) iz postrojenja za prečišćavanje otpadnih voda i ostali otpad ne smije se odlagati na česticu „vodno dobro”, odnosno u vodotoke i na njegove obale.
- 3.11. Da se istrošena ulja, nauljene krpe i sav opasan otpad koji će nastati na prostoru Pogona PK „Višća”, PK „Višća II” i PK „Potočari”, općina Živinice prikuplja i propisno, privremeno skladišti u

metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.

4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.

5. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog postrojenja obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.

6. Ukoliko radom predmetnog poslovnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.

7. U periodu važenja ove dozvole, pravno lice je dužno provoditi sve mjere i aktivnosti propisane istom.

8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.

9. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.

10. Pravno lice RMU „Đurđevik“ d.o.o. Đurđevik dužan je izvještavati Agenciju i Federalno ministarstvo okoliša i turizma o realizaciji planiranih aktivnosti u zadatim rokovima iz detaljnog dinamičkog plana, prvi put najkasnije do 31.12.2024. godine, na obrascu iz Priloga 8. Uredbe o uslovima ispuštanja otpadnih voda u okoliš i sisteme javne kanalizacije.

11. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina, od dana pravosnažnosti ovog rješenja. Prije isteka ovog roka pravno lice je dužano zatražiti produženje iste. Ova vodna dozvola prestaje da važi u slučaju da se ne ispune uslovi iz tačaka: 3.2.1. - 3.2.13. ovog rješenja.

12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice RMU „Đurđevik“ d.o.o. Đurđevik obratilo se ovoj Agenciji sa zahtjevom za donošenje rješenja o vodnoj dozvoli za ispuštanje tehnoloških otpadnih voda i aktivnosti koje mogu imati specifične uticaje na vode prilikom izvođenja radova na prostoru Pogona PK „Višća“, PK „Višća II“ i PK „Potočari“, općina Živinice.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

A-Opća dokumentacija:

- Uvjerenje o registraciji/upisu u Jedinstveni registar obveznika indirektnih poreza, broj:04/1-17-1-UPJR/1-5405-2/20 od 13.10.2020. godine izdato od strane Uprave za indirektno-neizravno oporezivanje Banja Luka - ovjerena kopija,
- Uvjerenje o registraciji poreznog obveznika od 12.10.2020. godine izdato od strane Kantonalnog poreznog ureda u Tuzli - ovjerena kopija,
- Rješenje o izmjenama podataka, broj: 032-0-Reg-22-001103 od 15.07.2022. godine izdato od strane Općinskog suda u Tuzli - ovjerena kopija,
- Punomoć podnosioca zahtjeva, broj:03-6934/23 od 15.11.2023. godine,
- Rješenje o vodnoj dozvoli, broj:UP-I/25-3-40-703-9/18 od 20.03.2019. godine izdato od strane Agencije za vodno područje rijeke Save, Sarajevo - kopija,
- Rješenje o vodnoj dozvoli, broj:04/1-13-21-24068/20 od 17.09.2020. godine izdato od strane Ministarstva poljoprivrede, šumarstva i vodoprivrede Tuzlanskog kantona -kopija,
- Zapisnik o inspekcijском nadzoru, broj:UP1-14-21-2-00174/2023-1405-P-1405-1-P od 08.11.2023. godine urađen od strane Federalnog vodnog inspektorata - kopija,

- Izvještaj o monitoringu kvaliteta i kvantiteta otpadnih voda za RMU „Đurđevik“ PK Višća, broj:1580/23, novembar 2023. godine, urađen od strane „Inspekt RGH“ d.o.o. Sarajevo,
- Potvrda-Prateći list za preuzeti električni i elektronski otpad od 02.11.2023. i 15.11.2023. godine od strane Kemeko-HB Puračić, Lukavac – kopija,
- Prateći transportni list br. 1252-04/23 od 15.11.2023. godine od strane Kemeko-BH d.o.o. Lukavac – kopija,
- Transportna dokumentacija za otpad broj:1680/23 i 1681/23 od 28.11.2023. godine od strane Delta Petrol d.o.o. Kakanj – kopija,
- Detaljni dinamički plan po godinama, finansijskom procjenom i rokovima za izgradnju i puštanje u rad sistema za prikupljanje, tretman i ispuštanje tehnoloških otpadnih voda, a najkasnije do 30.06.2026. godine, broj:03-862/24 od 12.02.2024. godine,
- Posjedovni list broj 1325, broj:04/13-26-6244/23-2 od 21.12.2023. godine izdat od strane Službe za urbanističko planiranje, komunalne, geodetske i imovinsko-pravne poslove Grad Živinice – kopija

B-Tehnička dokumentacija:

- Glavni projekat prikupljanja, tretmana i ispuštanja tehnoloških otpadnih voda iz eksploatacionih kratera PK Potočanii PK Višća II Pogon PK Višća urađen od strane Urbis Centar d.o.o. Banja Luka, juli 2019. godine,
 - Revizija projektne dokumentacije (konačan izvještaj) urađen od strane „Smajić-Inženjering“ d.o.o. Goražde, juli 2021. godine
- Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.
- U skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20, 63/22) izvršen je uvidaj na prostoru RMU „Đurđevik“ d.o.o. Đurđevik Pogona PK „Višća“, PK „Višća II“ i PK „Potočari“, općina Živinice i tom prilikom sačinjen Zapisnik o izvršenom uvidaju broj: UP-1/21-3-40-550-5/23 od 29.01.2024. godine.

Na osnovu dostavljene dokumentacije, izvršenog uvida na licu mjesta utvrđeno je sljedeće:

- U skladu sa zahtjevima iz Rješenja o vodnoj dozvoli koje je izdato pod uslovima a u skladu sa Dinamičkim planom aktivnosti i mjera sa finansijskom procjenom ulaganja po godinama i rokovima realizacije aktivnosti za Pogon PK Višća, broj:03-2079/19 od 12.03.2019. godine urađenim od strane JP Elektroprivreda d.d. Sarajevo Zavisno društvo Rudnik mrkog uglja „Đurđevik“ d.o.o. Đurđevik, a u skladu sa odredbama Uredbe o uslovima ispuštanja otpadnih voda u okoliš i sisteme javne kanalizacije u proteklom periodu pravno lice je trebalo da realizuju aktivnosti na vanjskom uređenju prikupljanja, tretmana i ispuštanja tehnoloških otpadnih voda i aktivnosti koje mogu imati specifične uticaje na vode prilikom izvođenja radova na prostoru Pogona PK „Višća“, PK „Višća II“ i PK „Potočari“, općina Živinice.
 - Pravno lice nije realizovalo aktivnosti koje su navedene pod tačkama 3.2.1.-3.2.6. Rješenja o vodnoj dozvoli izdatoj od Agencije, a što potvrđuje i Zapisnik o inspekcijском nadzoru Federalnog vodnog inspektorata.
 - U međuvremenu od izdavanja Rješenja o vodnoj dozvoli na terenu su dogodila havarija tj. pokrenuto je klizište sa nožicom ispod dijela terena na kojem je instalirana hala za popravku, servisiranje i skladištenje mehanizacije, zauljenog otpada, rezervnih dijelova i dr. U toku su aktivnosti na saniranju klizišta, demontaži hale i dr. pratećih objekata i sadržaja.
 - Upitna je mogućnost postupanja na terenu u skladu sa projektnom dokumentacijom : Glavni projekat prikupljanja, tretmana i ispuštanja tehnoloških otpadnih voda iz eksploatacionih kratera PK Potočanii PK Višća II Pogon PK Višća urađenim od strane Urbis Centar d.o.o. Banja Luka, juli 2019. godine.
 - Od pravnog lica je zatraženo da dostavi detaljan dinamički plan ulaganja, a sve u skladu sa zahtjevima pod kojima je izdato Rješenje o vodnoj dozvoli broj:UP-I/25-3-40-703-9/18 od 20.03.2019. godine od strane Agencije za vodno područje rijeke Save, Sarajevo, uslovi iz tačaka: 3.2.1., 3.2.2., 3.2.3., 3.2.4., 3.2.5., 3.2.6.
- Prilikom izrade detaljnog dinamičkog plana pravno lice mora/treba uzeti u obzir i izradu/doradu predmetne projektne dokumentacije, opredjeljenje uprave RMU Đurđevik d.o.o. Đurđevik o novoj lokaciji na kojoj će biti instalirani sadržaji i aktivnosti koji se izmještaju, a koji su zahvaćeni klizištem.

Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom propisani uslovi u skladu sa odredbama člana 116. Zakona o vodama i članova 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije. Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH”, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH”, broj 46/07, 10/14 i 03/16).

U skladu sa Detaljnim dinamičkim planom ulaganja sa spiskom aktivnosti i mjera sa finansijskom procjenom za ulaganja, broj:03-862/24 od 12.02.2024. godine urađenim od strane pravnog lica RMU „Đurđevik” d.o.o. Đurđevik planirano je da se u narednom periodu realizuju aktivnosti na vanjskom uređenju prikupljanja, tretmana i ispuštanja tehnoloških otpadnih voda i aktivnosti koje mogu imati specifične uticaje na vode prilikom izvođenja radova na prostoru Pogona PK „Višća”, PK „Višća II” i PK „Potočari”, općina Živinice.

Na osnovu provedenog postupka konstatuje se da je podnosilac zahtjeva RMU „Đurđevik” d.o.o. Đurđevik ispunio minimum uslova za izdavanje vodne dozvole za ispuštanje tehnoloških otpadnih voda i aktivnosti koje mogu imati specifične uticaje na vode prilikom izvođenja radova na prostoru Pogona PK „Višća”, PK „Višća II” i PK „Potočari”, općina Živinice, te je riješeno kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH”, broj 06/98, 8/00, 45/10 i 43/13). Podnosilac zahtjeva je uplatio i posebne troškova koji su nastali u toku vođenja upravnog postupka, u skladu sa članom 127. Zakona o vodama („Službene novine Federacije BiH”, br. 70/06) i članova 4. do 7. Pravilnika Agencije o naknadi posebnih troškova u postupku izdavanja vodnog akta, prema Zaključku ove Agencije broj UP-1/21-3-40-550-6/23 od 30.01.2024. godine.

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

mr Selma Merdan, dipl.inž.geol.



Po ovlaštenju

Rukovodilac sektora za izdavanje vodnih akata

Hariš Ališehović
Hariš Ališehović, dipl. inž. građ.

Dostaviti:

- RMU Đurđevik d.o.o.
- Đurđevik bb, 75272 Đurđevik,
- ⊕ AVP Sava, ISV – Vodna knjiga,
- Sektor 50,
- Sektor 40, arhiva,
- Oglasna ploča-AVP Sava